

ELKARRI-REN BAKE KONFERENTZIA. Bake Konferentzia alderdi politikoen akordiorik gabe amaitu duen arren, Elkarri-k prozesuaren oinarriak baliatu nahi ditu hemendik uda bitartean alderdien konpromisoa erdiesteko bake prozesu baten inguruan.

Elkarri-k alderdien konpromisoa lortu nahi du bake prozesu baten inguruan

Gizarte mugimenduak amaitutzat eman du Bake Konferentzia, indar politikoen adostasunik gabe

**JULIAN THOMAS
HOTTINGER**
FRIBURGOKO UNIBERTSITATEKO
IRAKASLEA ETA BITARTEKARIA

«Honelako prozesuek denbora behar dute»

H. U. | BILBO

Hottingerren irudiko, «pazientzia eta entzuten jakitea» dira bitartekariaren dohaiak. Irakasle suitzarra Irlandako eta Hegoafrikako gatazketan aritu da bitartekari gisa. Hottinger Bake Konferentziaren amaiera ekitaldian izan zen atzo.

■ **Bake Konferentzia go-raipatu duzu, baina kontua da ez duela bere helburua bete.**

Lanaren kalitatea oso ona izan da hemen, eta gainera, proiektuarekin jarraitzeko borondatea paregabea izan da. Antzeko prozesu askotan parte hartu dut, baina inoiz ez dugu negoziatioetako lehen saioan gure helburua bete. Denbora eta pazientzia behar da. Irlandan bi urte eman genuen nola negoziatu eztabaidatzen. Adostasuna lortu zenean, akordioa bi aste kontua izan zen.

■ **PP hasieratik geratu zen prozesutik kanpo.**

Honelakoetan aurrerajarraitu behar da, eta bere burua baztertzen duen horri atea zabalik duela gogoratu. Nik ezagutu ditudan prozesuetan, alderdi eta talde armatu batzuk kanpoan geratu direnean, prozesuaren berri zehatza eman diegu, prozesua zertan den jakin zezaten. Horrela ez dira baztertuta sentituko eta, inoiz jarrerara aldatzen badute, atea zabalik dutela jakingo dute.



TXEMA FERNANDEZ / EFE

Elkarri-ko koordinatzaile Jonan Fernandez eta Bittor Aierdi, atzo, atzean PSE-EEko Odon Elorza eta Gemma Zabaleta, EAJko Josune Ariztondo eta EB-IUko Javier Madrazo dituztela, Euskalduna jauregian.

Humberto Unzueta | BILBO

Elkarri-k bere helburu nagusia bete gabe amaitu zuen Bake Konferentzia, atzo, Bilbon. Ekainean PP ez beste alderdi politiko guztien arteko akordioa «hurbil» ikusten bazuten ere, udan giro politikoa berotu egin da, eta horrek aukera guztiak zapuztu dizkio gizarte mugimenduak duela bi urte eskas abiatutako prozesuari. Eginda-

ko bidea «emankorra» izan delakoan, Elkarri-k *Bake-bidea* deritzan proposamen alternatiboa aurkeztu zuen atzo.

Batasunaren legez kanporatzea eta «indarkeriaren eragin kaltegarria» izan dira Bake Konferentziak bere azken txanpan aurkitu dituen oztipo nagusiak. Mariano Ferrer kazetari eta Bake Konferentziako moderatzaile taldeko kideak prozesua abiatutako prozesuari. Eginda-

bat aipatu zuen zeharka: alderdiak hauteskunde dinamikan sartuta daudenez gero, euren artean «mesfidantza» da nagusi, eta mugatuta daude hautesleen aurrean esaten edo egiten duten orotan. «Aldeko haizerik ez dugu izan» esanez laburbildu zuen Mariano Ferrer moderatzaileak prozesua hondatu duen arrazoi nagusia.

Gauzak hala, Batasunak prozesutik kanpo geratzea erabaki

zuen, «Elkarri-k gure alderdiaren jardura etetearen inguruan inolako sentsibilitaterik erakutsi ez duelako».

PSE-EEK ere desadostasun garrantzitsuak agertu ditu prozesuaren azken txanpan, batik bat ETaren indarkeriarekin eta biktima eta mehatxatutakoekin lotutako gaietan. Hala ere, prozesu osoan hutsik egin ez duten Odon Elorza eta Gemma Zabaleta *kritikoak* atzo ere amaiera ekitaldian azaldu ziren. Haiekin batera, gonbidatuen txokoan jarrita, EAJko Josune Ariztondo eta Gorka Agirre, EAKo Rafa Larreina, EB-IUko Javier Madrazo, Aralarreko Andolin Eguskitza eta ABko Richard Irazusta.

Esparru ideologiko zabaleko kideez osaturiko moderatzaile taldeak ez du lortu bake prozesuaren oinarri izango zen testua osatzea. Mariano Ferrerren hitzetan, «ezin izan dugu pasatu ekainean alderdiei eskaini genien bi zirriborroetatik; hortxe finitu da gure ahalegina».

Eskaerak: ETari «su-etena» eta Aznarri «Irlandako eredu»

Aipatu zirriborroetan oinarrituta, Elkarri-k alternatiba proiektu berri bat aurkeztu zuen atzo Euskalduna jauregia betetzen zuten mila lagunengana, tartean kultura eta komunikabide-etako aurpegi ezagun ugari.

Hurrengo urteko uda bitartean, Elkarri alderdi politikoen babesa eta konpromisoa lantzen saiatuko da «parrafo» baten inguruan. Jonan Fernandez Elkarri-ko koordinatzailearen esanetan, «konpromisoaren zutabeak hauek dira: gizartearen gehiengoaren borondatearekin errespetua, indarkeriarik eza, betorik eza, erabakien aldeakartasun eza eta elkarriketa».

Proposamen berriaren azalpenean, Jonan Fernandezek mezu bana zuzendu zien ETari eta Espainiako Gobernuari. Erakunde armatuari, IRAk eskaini zuen pareko «su-eten bat» eman dezan, bake prozesu erabakitzailea ahalbidetzeko; Aznarri, Irlandako ereduari «errepara» diezaion.